

SARS yi hlula nyimpi ya le khoto ehenhla ka muhakelaxibalo la tlulaka nawu

Tshwane, 24 Mawuwani 2023 – Khomixinara wa Vukorhokeri bya Xibalo bya Afrika-Dzonga (SARS) u amukerile ahlulo wa Khotokulu ya Aphili, lowu bakanyelege etlhelo no tlhela yi famba na tihakelo, tiaphili timbirhi ehenhla ka swileriso swa Xiyenge xa Gauteng xa Khotokulu, Pretoria (nomboro ya kheyisi 543/2021); na Xiyenge xa Kwazulu-Natal xa Khotokulu, Pietermaritzburg (nomboro ya kheyisi A409/2022).

Yo sungula ku vi le aphili ehenhla ko n'okisiwa ka xileriso lexi nyikiweke ehenhla ka muaphili, PFC Properties (Pty) Ltd (PFC), ku yima na SARS, eKhotokulu ya Pretoria. Aphili ya vumbirhi yi vi le ehenhla ka xileriso xa Khotokulu ya Pietermaritzburg, hi ku ya hi ndlela leyi yi bakanyelege etlhelo xikombelo xo veka PFC eka mponiso wa bindzu.

Mhaka emahlweni ka SCA a ku ri loko matikhomelo eka xiphemu xa PFC na vatshembiwa va De Robillard Family Trust eku simekeni ka xikombelo xa mponiso wa bindzu, swi vangile nxaniso wa phurosese ya khoto. SCA yi khomile leswaku xikombelo xexo a xi fanele xi nga tekeriwanga enhlokweni hi xivangelo xa ntirhiso wa xona eka xikimi xa nxaniso. Khoto yi khomile leswaku xikombelo xa mponiso wa bindzu a ku ri vukanganyisi.

Tanihi mbuyelo, xikombelo xa mponiso wa bindzu xi nge yimisi xikombelo xa n'okiso hikuva lexo sungula xi pendziwile hi nxaniso. Handle ka leswi, vatshembiwa va De Robillard Family Trust va tsandzekile ku endla kheyisi laha ku nga va na xivono xo ponisa PFC. Tiasete hinkwato ta yona ti xavisiwile no lahlekeriwa hi masungulo ma yona. SCA yi yi le emahlweni yi khoma leswaku xileriso xa n'okiso lexi nyikiweke hi Khotokulu ya Pretoria a xi nga kaneteki. Mayelana na swivangelo leswi, tiaphili hatimbirhi ti bakanyeriwe etlhelo no tlhela ti famba na tihakelo.

SARS yi lemuka leswaku mponiso wa bindzu i qhinga ro tirha kahle ro papalata ku wa ka khamphani leyi xavisaka leyi fambaka kahle no hlayisa ikhonomi leyi hanyeke kahle. Eka mikarhi yo tlhontlha ya ikhonomi, mponiso wa bindzu wu va na nkoka swinene.

Khomixinara wa SARS Ttn Edward Kieswetter u te “a swi tsakisi leswaku vahakelaxibalo van'wana va xanisa maendlelo ma mponiso wa bindzu, ku onhela vakolotiwa. Eka swiyimo swo tala, *kwama* i mukhumbekinkulu. SARS yi ta ya emahlweni yi tikisa voko no hetiseka loko maendlelo ma mponiso wa bindzu ma xanisiwa ku onhela *nkwama*. Handle ko kanakana ko karhi, hi ta kaneta swikombelo sweswo swo xanisa”.

SARS yi nge yimeli etlhelo loko vahakelaxibalo va xanisa maqhinga ya Nawu wa Tikhamphani hi ku tikhoma hi ndlela yo biha ku kayeta SARS leswi yi kolotiwaka swona no hakeriwa eka *nkwama*. Makungu lama hlamuseriweke no kunguhatiwa hi vurhonwana mo khoma swibalo ma ta ariwa hi matimba.

SARS yi ta tshama yi tirha hi maendlelo lama seketelaka nkulo wa ikhonomi na ntumbuluxo lowukulu wa mitirho. Laha, hi swivangelo swin'wana na swin'wana, bindzu ri nga tirheku kahle no ka ri nga fambi kahle, mutlangaxiave un'wana na

un'wana eka phurosese u bohiwa hi ntirho ku tikhoma hi ndlela ya xiphurofexinali handle ka nchavo, tintswalo kumbe ringhohe ehenhla ka mukolotiwa.

Mayelana na vuxokoxoko byo engetelela, u komberiwa ku tihlanganisa na SARSMedia@sars.gov.za